

萬有文庫

第一集一冊

王雲五主編

水經注

(五)

酈道元著

商務印書館發行



水經注

(五)

酈道元著

國學基本叢書

萬有文庫

第一集一千種

總編纂者

王雲五

商務印書館發行

水經注目錄

第一冊

卷一 河水……………一

卷二 河水……………一六

卷三 河水……………三九

卷四 河水……………五五

卷五 河水……………七六

第二冊

卷六 汾水 澮水 涑水 文水 原公水 洞過水 晉水 湛水……………一

卷七 濟水……………二三

卷八 濟水……………三七

卷九 清水 沁水 淇水 蕩水 洹水……………五六

卷十 濁漳水 清漳水……………八三

卷十一 易水 滌水……………一〇三

第三册

卷十二 聖水 巨馬水……………一

卷十三 灤水……………七

卷十四 濕餘水 沽河 鮑丘水 濡水 大遼水 小遼水 沮水……………二五

卷十五 洛水 伊水 灋水 澗水……………四四

卷十六 穀水 甘水 漆水 澹水 沮水……………六四

卷十七 渭水……………八六

卷十八 渭水……………九八

卷十九 渭水……………一〇二

第四册

卷二十 漾水 丹水……………一

卷二十一 汝水……………一三

卷二十二 潁水 洧水 潁水 滑水 渠……………二六

卷二十三 陰溝水 汲水 獲水 五〇

卷二十四 睢水 瓠子河 汶水 六九

卷二十五 泗水 沂水 洙水 九〇

第五册

卷二十六 沭水 巨洋水 淄水 汶水 濰水 膠水 一

卷二十七 沔水 二四

卷二十八 沔水 三四

卷二十九 沔水 潛水 湍水 均水 粉水 白水 比水 五〇

卷三十 淮水 六四

卷三十一 潢水 涓水 灤水 濯水 潁水 潁水 八〇

卷三十二 潁水 蘄水 決水 泚水 泄水 肥水 施水 沮水 漳水 夏水 羌水 九六

涪水 梓潼水 涪水 九六

第六册

卷三十三 江水 一

卷三十四

江水

一六

卷三十五

江水

二六

卷三十六

青衣水

桓水

若水

沫水

延江水

存水

溫水

三八

卷三十七

淹水

葉榆河

夷水

油水

澧水

沅水

浪水

五八

卷三十八

資水

漣水

湘水

灘水

漆水

七八

卷三十九

涇水

深水

鍾水

耒水

洙水

漣水

瀏水

潁水

贛水

廬江水

九四

卷四十

漸江水

斤江水

江以南至日南郡二十水

禹貢山水澤地所在

一〇九

臣等謹案水經注四十卷。後魏酈道元撰。道元字善長。范陽人。官至御史中尉。自晉以來。注水經者。凡二家。郭璞注三卷。杜佑作通典時。猶見之。今惟道元所注存。崇文總目稱其中已佚五卷。故元和郡縣志。太平寰宇記。所引潁沱水。涇水。洛水。皆不見於今書。然今書仍作四十卷。疑後人分析以足原數也。是書自明以來。絕無善本。惟朱謀埠所校。盛行於世。而舛謬亦復相仍。今以永樂大典所引。各按水名。逐條參校。非惟字句之訛。層出疊見。其中脫簡。有自數十字至四百餘字者。其道元自序一篇。諸本皆佚。亦惟永樂大典僅存。蓋當時所據。猶屬宋槧善本也。謹排比原文。與近本鉤稽校勘。凡補其闕漏者。二千一百二十八字。刪其妄增者。一千四百四十八字。正其臆改者。三千七百一十

五字神明煥然。頓還舊觀。三四百年之疑竇。一旦曠若發蒙。是皆我皇上稽古右文。經籍道盛。瑯嬛宛委之祕。響然並臻。遂使前代遺編。幸逢昌運。發其光於蠹簡之中。若有神物攜呵。以待聖朝而出者。是亦曠世之一遇矣。至於經文注語。諸本率多混淆。今考驗舊文。得其端緒。凡水道所經之地。經則云過。注則云逕。經則統舉都會。注則兼及繁碎地名。凡一水之名。經則首句標明。後不重舉。注則文多旁涉。必重舉其名。以更端。凡書內郡縣。經則但舉當時之名。注則兼考故城之迹。皆尋其義例。一一釐定。各以案語附於下方。至塞外羣流。江南諸派。道元足跡。皆所未經。故於灤河之正源。三藏水之次序。白檀要陽之建置。俱不免附會乖錯。甚至以浙江妄合姚江。尤爲傳聞失實。自我皇上命使履視。盡得其脈絡曲折之詳。御製熱河考灤源考證諸篇。爲之抉摘舛謬。條分縷縷。足永訂千秋耳。食沿訛。謹錄弁簡端。永昭定論。又水經作者。唐書題曰桑欽。然班固嘗引欽說。與此經文異。道元注亦引欽所作地理志。不曰水經。觀其涪水條中。稱廣漢已爲廣魏。則決非漢時。鍾水條中。稱晉寧。仍曰魏寧。則未及晉代。推尋文句。大抵三國時人。今既得道元原序。知並無桑欽之文。則據以削去舊題。亦庶幾闕疑之義爾。乾隆三十九年十月恭校上。

總纂官侍讀臣紀昀 侍讀臣陸錫熊 纂修官舉人臣戴震

水經注

卷二十六

沫水 巨泮水 溜水 汶水 濰水 膠水

沫水出琅邪東莞縣西北山

大弁山與小泰山連麓而異名也。引控衆流，積以成川。東南流，逕邳鄉南，南去縣八十許里。城有三面，而不周於南，故俗謂之半城。沫水又東南流，左合峴水。案合近刻訛作右水北出大峴山，東南流，逕邳鄉東，東南流，注於沫水也。

東南過其縣東

沫水左與箕山之水合。水東出諸縣西箕山。案東出近刻訛作出東劉澄之以爲許由之所隱也，更爲巨謬矣。其

水西南流，注於沫水也。

又東南過莒縣東

地理志曰：莒子之國，盈姓也。少昊後，列女傳曰：齊人杞梁殖，襲莒戰死，其妻將赴之，道逢齊莊公，公將弔之。杞梁妻曰：如殖死有罪，案近刻脫死字君何辱命焉？如殖無罪，有先人之敝廬在，下妾不敢與郊弔。公旋

車弔諸室妻乃哭於城下七日而城崩故琴操云殯死妻援琴作歌曰樂莫樂兮新相知悲莫悲兮生別離哀感皇天城爲之墮案近刻即是城也其城三重並悉崇峻惟南開一門內城方十二里郭周四

十許里尸子曰莒君好鬼巫而國亡無知之難小白奔焉樂毅攻齊守險全國秦始皇縣之漢興以爲

城陽國封朱虛侯章治莒王莽之莒陵也光武合城陽國爲琅邪國以封皇子京雅好宮室窮極伎巧

壁帶飾以金銀案壁近刻明帝時京不安莒移治開陽矣案開近刻沐水又南袁公水東出清山遵坤

維而注沐案遵近刻沐水又南潯水注之水出於巨公之山西南流舊竭以溉田案近刻東西二十

里南北十五里潯水又西南流入沐沐水又南與葛陂水會水發三柱山西南流逕辟土城南案近刻

城南世謂之辟陽城史記建元以來王子侯者年表曰漢武帝元朔二年封城陽共王子節侯劉壯爲

侯國也案節近刻其水於邑積以爲陂謂之辟陽湖西南流注於沐水也

又南過陽都縣東入於沂

沐水自陽都縣又南會武陽溝水水東出倉山山上有故城世謂之監官城非也即古有利城矣漢武

帝元朔四年封城陽共王子劉釘爲侯國也其城因山爲基水導山下西北流謂之武陽溝又西至即

丘縣注於沐沐水又南逕東海郡即丘縣故春秋之祝丘也桓公五年經書齊侯鄭伯如紀城祝丘左

傳曰齊鄭朝紀欲襲之漢立爲縣王莽更之曰就信也郡國志曰自東海分屬琅邪闕駟曰即祝魯之

音案即近刻蓋字承讀變矣。沭水又南逕東海厚丘縣。王莽更之曰祝其亭也。分爲二瀆。一瀆西南出。案近刻脫一瀆案近刻脫今無水。世謂之枯沭。一瀆南逕建陵縣故城東。漢景帝六年案近刻脫封衛綰爲侯國。王莽

更之曰付亭也。沭水又南逕建陵山。西案原本及近刻並脫建陵縣有建陵山。魏正光中案光近刻齊王之鎮

徐州也。立大碣。遏水西流。兩瀆之會。置城防之。曰曲沭戍。自碣流三十里。案近刻西注沭水。舊瀆謂之

新渠。舊瀆自厚丘西南出。案近刻脫左會新渠。南入淮陽宿預縣。注泗水。地理志所謂至下邳注泗者

也。經言於陽都入沂。非矣。沭水左瀆。自大堰水斷故瀆東南出。桑堰水注之。水出襄賁縣。泉流東注沭

瀆。又南。左合橫溝水。水發瀆右。東入沭之故瀆。又南暨於遏。案近刻改作壘。今考其水西南流。逕司吾

山東。又逕司吾縣故城西。春秋左傳。楚執鍾吾子以爲司吾縣。王莽更之曰息吾也。又西南至宿預。注

泗水也。沭水故瀆。自下堰東南。逕司吾城東。又東南歷粗口城中。粗水出於楚之粗地。春秋襄公十年

經。書公與晉及諸侯會吳於粗。京相璠曰。宋地。今彭城偃陽縣西北有粗水溝。去偃陽八十里。東南流。

逕傳陽縣故城東北。案傳近刻地理志曰。故偃陽國也。春秋左傳。襄公十年夏四月戊午。會於粗。晉荀

偃士臼請伐偃陽。而封宋向戌焉。荀偃曰。城小而固。勝之不武。弗勝爲笑。固請丙寅圍之。弗克。孟氏之

臣秦堇父。輦重如役。偃陽人啓門。諸侯之士門焉。縣門發。鄆人紇挾之以出門者。狄彪彌建大車之輪。

而蒙之以甲。以爲櫓。左執之。右拔戟以成一隊。孟獻子曰。詩所謂有力如虎者也。主人縣布。堇父登之。

及堞而絕之墜。則又縣之蘇而復上者三。主人辭焉。乃退。帶其斷以徇於軍。三日。諸侯之師。久於偃陽。請歸。智伯怒曰。七日不克。爾乎取之以謝罪也。荀偃士句攻之。親受矢石。遂滅之。以偃陽子歸。獻於武宮。謂之夷俘。偃陽。妘姓也。漢以爲縣。漢武帝元朔三年。封齊孝王子劉就爲侯國。王莽更之曰輔陽也。郡國志曰。偃陽有祖水。祖水又東南。案近刻訛作祖水而南。亂於沂而注於沭。謂之祖口。城得其名矣。東南至胸縣入游注海也。

巨泮水出朱虛縣泰山北。過其縣西。

泰山。卽東小泰山也。巨泮水。卽國語所謂具水矣。袁宏謂之巨昧。王韶之以爲巨蔑。亦或曰胸瀾。皆一水也。而廣其目焉。其水北流。逕朱虛縣故城西。漢惠帝二年。封齊悼惠王子劉章爲侯國。地理風俗記曰。丹山在西南。丹水所出。東入海。丹水由朱虛丘阜矣。故言朱虛城西有長坂遠峻。名爲破車。峴城東北二十里有丹山。世謂之凡山。縣在西南。非山也。丹凡字相類。音從字變也。案此下近刻作穴山。北流逕劇縣故城東。東丹水注之。水出方山。山有二水。案二近刻訛作三。一水卽東丹水也。北逕縣合。西丹水而亂流。又東北出逕濤薄澗北。濤水亦出方山。流入平壽縣。積而爲渚。水盛則北注。東南流。屈而東北流。逕平壽縣故城西。而北入丹水。謂之魚合口。丹水又東北逕望海臺東。案近刻脫海字。東北注海。蓋亦縣所氏者也。

又北過臨朐縣東

巨洋水自朱虛北入臨朐縣。熏治泉水注之。水出西溪。飛泉側瀨於窮坎之下。泉溪之上。源麓之側。有一祠。目之爲治泉祠。按廣雅。金神謂之清明。斯地蓋古治官所在。故水取稱焉。水色澄明而清冷特異。淵無潛石。淺鏤沙文。中有古壇。參差相對。後人微加功飾。以爲嬉遊之處。南北遼岸。凌空疎木。交合先公以太和中作鎮海岱。余總角之年。侍節東州。案侍近刻至若炎夏火流。閒居倦想。提琴命友。嬉娛永日。桂筍尋波。案近刻訛作返。又桂筍。朱謀瑋云當作桂櫂。輕林委浪。琴歌既洽。歡情亦暢。是焉棲寄。實可憑衿。小東有一湖。佳饒鮮筍。匪直芳齊芍藥。實亦潔並飛鱗。其水東北流入巨洋。謂之熏治泉。又逕臨朐縣故城東。城古伯氏駢邑也。漢武帝元朔元年。案近刻訛作二年。封菑川懿王子劉奴爲侯國。應劭曰。臨朐山名也。故縣氏之。朐亦水名。其城側臨朐川。案近刻訛作側川。臨朐。是以王莽用表厥稱焉。城上下。案近刻作其城上下。沿水。悉是劉武皇北伐廣固營壘所在矣。巨洋又東北逕委粟山東。孤阜秀立。案秀近刻作委。形若委粟。又東北洋水注之。水西出石膏山。西北石澗口。東南逕逢山祠西。案祠上近刻衍下字。洋水又東南。案近刻訛作南東。歷逢山下。卽石膏山也。山麓三成。案近刻訛作脫山字。壁立直上。山上有石鼓。鳴則年凶。郭緣生續述征記曰。逢山在廣固南三十里。有祠并石鼓。齊地將亂。石人輒打石。鼓聲聞數十里。案近刻訛作脫聲字。洋水歷其陰而東北流。世謂之石溝水。東北流。出於委粟山北。而東注於巨洋。謂之石溝口。然是水下流。亦有時通塞。及其春夏水泛。川瀾無輟。亦或謂

之爲龍泉水。地理志石膏山。洋水所出是也。案近刻脫所字。又今於此縣。惟是瀆當之。似符羣證矣。巨洋水又東北得邳泉口。泉源西出平地。東流注於巨洋水。巨洋水又北會建德水。水西發逢山阜。而東流入巨洋水也。

又北過劇縣西。

巨洋水又東北合康浪水。水發縣西南嶼山。無事樹木而圓峭孤峙。巘岈分立。左思齊都賦曰。嶼嶺鎮其左是也。案近刻脫鎮字。康浪水北流。注於巨洋。巨洋又東北逕劇縣故城西。古紀國也。春秋莊公四年。紀侯

不能下齊。以與弟季大去其國。達齊難也。後改曰劇。故魯連子曰。胸劇之人。辯者也。漢文帝十八年。別爲菑川國。後并北海。漢武帝元朔二年。封菑川懿王子劉錯爲侯國。王莽更之曰俞縣也。案近刻脫曰字。俞訛作愈。

城之北側有故臺。臺西有方池。案近刻訛作地。晏謨曰。西去齊城九十七里。耿弇破張步於臨淄。追至巨洋水

上。僂尸相屬。即是水也。巨洋又東北逕晉龍驤將軍幽州刺史辟閭渾墓東。而東北流。墓側有一墳。甚

高大。案近刻脫墓字。時人咸謂之爲馬陵。而不知誰之丘壟也。巨洋水又東北逕益縣故城東。王莽更之曰滌

蕩也。案滌蕩今漢書作探陽。晏謨曰。南去齊城五十里。司馬宣王伐公孫淵。北徙豐人。住於此城。遂改名爲南豐

城也。又東北積而爲潭。枝津出焉。謂之百尺溝。西北流。逕北益都城。案此下近刻有也字。漢武帝元朔二年。案近刻訛

作三封菑川懿王子劉胡爲侯國。又西北流而注於巨淀矣。

又東北過壽光縣西

巨洋水自巨淀湖

案近刻脫二字

東北流逕縣故城西王莽之翼平亭也漢光武建武二年封更始子鯉爲

侯國城之西南水東有孔子石室故廟堂也中有孔子像弟子問經既無碑誌未詳所立巨洋又東北

流堯水注之水出劇縣南角崩山

案角近刻訛作有

即故義山也俗人以其山角若崩

案近刻脫此二字

因名爲角崩

山亦名爲角林山皆世俗音譌也水卽蕤水矣地理志曰劇縣有義山蕤水所出也北逕嶼山東俗亦

名之爲青山矣

案山近刻訛作水

堯水又東北逕東西壽光二城間應劭曰壽光縣有灌亭杜預曰在縣東南

樹灌國也又言樹亭在平壽縣東南平壽故城在白狼水西今北海郡治水上承營陵縣之下流東北

逕城東西入別畫湖亦曰朕懷湖湖東西二十里南北三十里東北入海樹亭在溉水東水出桑犢亭

東覆甌山亭故高密郡治世謂之故郡城山謂之塔山水曰鹿孟水亦曰戾孟水皆非也地理志桑犢

案近刻作地理志曰桑犢故亭

北海之屬縣矣有覆甌山溉水所出北逕樹亭西北合白狼水

案合白近刻訛作今日

按地理志

北海有樹縣京相璠曰故樹尋國禹後西北去灌亭九十里溉水又北逕寒亭西而入別畫湖

案近刻脫此五

字郡國志曰平壽有樹城有寒亭

案近刻訛作平壽在樹灌東

薛瓚漢書集注云按汲郡古文相居樹灌東郡灌是

也明帝以封周後改曰衛樹尋在河南非平壽也又云太康居樹尋羿亦居之桀又居之尙書序曰太

康失國兄弟五人後于河汭此卽太康之居爲近洛也余考瓚所據今河南有尋地衛國有觀土國語

曰啓有五觀謂之姦子五觀蓋其名也所處之邑其名曰觀皇甫謐曰衛地案近刻說作也又云夏相徙帝丘案帝近刻說作商依同姓之諸侯於樹尋氏案近刻樹下衍灌樹二字即汲冢書云相居樹灌也既依樹尋明樹尋非一居

矣窮后既仗善射篡相寒浞亦因逢蒙弑羿案寒近刻說作韓下同即其居以生澆因其室而有豷故春秋襄公

四年魏絳曰澆用師滅樹灌及樹尋氏處澆於過處豷於戈是以伍員言於吳子曰過澆殺樹灌以伐

樹尋是也有夏之遺臣曰靡事羿羿之死也逃於鬲氏案鬲近刻說作隔下同今鬲縣也收樹灌樹尋二國之餘

燼案樹尋近刻脫樹字殺寒浞而立少康滅之有窮遂亡也是蓋寓其居而生其稱宅其業而表其邑縱遺文沿

櫛亭郭有傳未可以彼有灌目謂專此爲非捨此尋名而專彼爲是以土推傳案土近刻說作上應氏之據亦

可按矣堯水又東北注巨洋伏琛晏謨並言堯嘗頓駕於此故受名焉非也地理志曰蕤水自劇東北

至壽光入海沿其逕趣卽是水也

又東北入於海

巨洋水東北逕望海臺西東北流伏琛晏謨並以爲平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑川懿王子劉賞爲侯國又東北

注於海也

淄水出泰山萊蕪縣原山

淄水出縣西南山下。世謂之原泉。地理志曰：原山，淄水所出。故經有原山之論矣。淮南子曰：水出自鉛山，蓋山別名也。東北流，逕萊蕪谷，屈而西北流，逕其縣故城南。從征記曰：城在萊蕪谷，當路阻絕兩山間，道由南北門。漢末有范史雲爲萊蕪令，言萊蕪在齊，非魯所得。引舊說云：齊靈公滅萊，萊民播流此谷，邑落荒蕪，故曰萊蕪。禹貢所謂萊夷也。夾谷之會，齊侯使萊人以兵劫魯侯，宣尼稱夷不亂華是也。余按泰無萊柞，並山名也。郡縣取目焉。漢高祖置左傳曰：與之無山及萊柞是也。案左傳季孫以桃邑息辭以無山與之萊柞是言成有山今桃乃無山耳此誤引應劭十三州記曰：太山萊蕪縣，魯之萊柞邑。淄水又西北轉逕城西，又東北流，與一水合，水出縣東南，俗謂之家桑谷水。從征記名曰：聖水。列仙傳曰：鹿皮公者，淄川人也。少爲府小史。案史近刻說作吏下同才巧，舉手成器。山岑上有神泉。案山岑近刻說作泉山泉訛作象人不能到。小史白府君請木，工斤斧三十人，作轉輪，造縣閣，意思橫生，數十日，梯道成，上其巔，作祠屋，留止其旁。其二間以自固，食芝草，飲神泉，七十餘年。淄水來山下，呼宗族得六十餘人，命上山半，水出盡漂一郡，沒者萬計。小史辭遣家室，令下山著鹿皮衣，升閣而去。後百餘年下，賣藥齊市也。其水西北流，注淄水。淄水又北出山，謂之萊蕪口，東北流者也。

東北過臨淄縣東

案近刻東上衍又字

淄水自山東北流，逕牛山西，又東逕臨淄縣故城南，東得天齊水口，水出南郊山下，謂之天齊淵。五泉